

АХБОРОТ ТЕХНОЛОГИЯЛАРИ СОҲАСИДАГИ РЕЖАЛАР ТАҚДИМОТ ҚИЛИНДИ

Президент Шавкат Мирзиёев 24 декабрь куни ахборот-коммуникация технологиялари соҳасини ривожлантиришга оид лойиҳалар тақдими билан танишди.

Ахборот технологиялари барча соҳаларда самарадорлик ва қулайликка хизмат қилади. Шу боис бу борада қўлламилар амалга оширилмоқда. Жойларда 100 дан ортиқ IT-мактаблар фаолияти йўлга қўйилди. “Бир миллион дастурчи” лойиҳаси доирасида 500 мингдан зиёд ёшлар дастурлашни ўрганди. IT-парклар ташкил этилганидан буён соҳада экспорт ҳажми 50 баробарга кўпайди, 40 миллион долларга етди. Резидентлар сони 147 тадан 500 тага ошди, 300 дан зиёд янги компаниялар фаолияти йўлга қўйилди. IT-паркларда 8 минг 500 та юқори даромадли иш ўринлари яратилди.

Бундай ишларни давом эттириб, соҳа ривожини янги босқичга кўтариш бўйича режалар ишлаб чиқилган. Хусусан, йирик экспортёрлар билан ишлаб, IT-паркларда хизматлар экспорти ҳажмини 80 миллион долларга етказиш мўлжалланган. Яппи ички маҳсулотда рақамли иқтисодиёт улушини ошириш, электрон хизматлар учун енгилликлар яратиш назарда тутилган. Тақдимотда шу борада тақлиф этилаётган чора-тадбирлар кўриб чиқилди. Давлатимиз раҳбари келгуси йилда IT хизматлар ҳажмини 35 фоиз ошириб, 21 триллион сўмга етказиш, дастурлаш хизматларини кўпайтириш учун

барча имконият борлигини таъкидлади. Сунъий интеллект марказини ишга туширишни жаддаллаштириш, хориждан IT мутахассислар жалб этиш тартибини соддалаштириш бўйича кўрсатмалар берилди. Ахборот технологиялари ва коммуникацияларини ривожлантириш вазирлигига келгуси йилда IT тармоқлар тезлигини 1,8 баробар ошириш ҳамда 1 миллион қўшимча кенг полсалари тармоқлар ўрнатиш вазифаси қўйилди. Бу орқали аҳоли пунктларининг барчаси мобил алоқа ва кенг полсалари интернет билан таъминланади. Президент янги технология-

лар, аввало, одамларга хизмат қилиши, қулайлик яратиши зарурлигини таъкидлади. Охириги йилларда 300 дан ортиқ давлат хизмати электрон шаклга ўтказилиб, шу йилнинг ўзидан улардан 16 миллион мартаба фойдаланилган. Келгуси йилда Ягона интерактив давлат хизматлари портали орқали кўрсатиладиган хизматлар улуши 60 фоизга етказилиши белгиланди. Тақдимотда бу борадаги яна бир қулайлик: фуқаро паспортининг рақамли профили ҳақида маълумот берилди. Gov Pass мобил иловаси смартфонга ўрнатилади ва унда паспорт, диплом, меҳнат дафтарчаси, ҳайдовчилик гувоҳнома-

си каби кўплаб ҳужжатлар жамланади. Яъни фуқаронинг барча ҳужжатлари доим ёнида, телефонда бўлади. Бу вақт ва пулни тежаб, қоғозбозликни камайтиришга хизмат қилади, овозгарчиликларни бартараф этади. “Хавфсиз шаҳар” тизими ижросига доир масалаларга ҳам алоҳида эътибор қаратилди. 2026 йилгача бу тизимни тўлиқ жорий этиш вазифаси қўйилди. Давлатимиз раҳбари соҳани ривожлантиришнинг молиявий манбаларини мустақкамлаш бўйича ҳам кўрсатмалар берди.

Ў.А.

ЎЗБЕКИСТОН ВА ОЗАРБАЙЖОН ЕТАКЧИЛАРИ АМАЛИЙ ҲАМКОРЛИК МАСАЛАЛАРИНИ МУҲОКАМА ҚИЛДИЛАР

Ўзбекистон Республикаси Президенти Шавкат Мирзиёев 24 декабрь куни Озарбайжон Республикаси Президенти Илҳом Алиев билан телефон орқали мулоқот қилди.

Давлатимиз раҳбари Илҳом Алиевни 60 йиллик юбилейи билан самимий табриклаб, унга мустақкам соғлиқ, омонлик ва катта муваффақиятлар, биродар Озарбайжон халқига эсатинчлик-осойишталик ва равнақ тилади. Озарбайжон стратегик шериклиги ва кўп қиррали ҳамкорлик муносабатлари кун тартибидидаги долзарб масалаларни кўриб чиқдилар. Савдо-иқтисодий алоқалар иқтисодий суръат билан ривожланиб бораётгани мамнуният билан қайд этилди: ўзаро савдо кўрсаткичлари барқарор ошиб бормоқда, етакчи корхоналар кооперацияси кенгаймоқда. Шу ойда Ишбилармонлар кенгашининг навбатдаги йиғилиши ва Боку шаҳрида саноат кўргазмаси муваффақиятли ўтказилди. Икки томонлама маданий-гуманитар дастур доирасида фаол алмашинувлар давом этмоқда. Давлат раҳбарлари устувор тармоқ ва йўналишларда, шу жумладан, машинасозлик, энергетика, қишлоқ ҳўжалиги, транспорт ва логистика соҳаларида амалий ҳамкорлик бўйича лойиҳаларни жадал илгари суриш муҳим эканини қайд этдилар. Минтақавий сиёсат ҳамда халқаро ташкилотлар доирасидаги ҳамкорлик масалалари юзасидан ҳам фикр алмашилди. Бўлажақ тадбирлар режаси кўриб чиқилди. Телефон орқали мулоқот ҳар доимгидек самимий ва дўстона муҳитда ўтди.

Ў.А.

«Халқ сўзи» учун махсус

ЖАНУБИЙ КОРЕЯДА ЎЗБЕКИСТОН ЁШЛАРИ ФОРУМИ ЎТКАЗИЛДИ

Мамлакатимизнинг Жанубий Кореедаги элчихонаси, Ўзбекистон Ёшлар ишлар агентлиги ва Ўзбекистон ёшлари умумжаҳон ассоциациясининг Корей Республикасидаги ваколатхонаси томонидан Ёшлар форуми ўтказилди.

Тадбирда Жанубий Корейнинг Сеул, Пусан, Ансан, Инчон, Чечу, Тэжон каби шаҳарларидаги олий таълим муассасаларида магистратура ва докторантура босқичларида тахсил олаётган ёш тадқиқотчиларнинг илм-фан ҳамда технологиялар соҳасида гоёларини оммалаштиришга қаратилган илмий ишлар тақдими ўтказилди. Тақдимотлар ахборот технологиялари, муҳандислик, гуманитар фанлар ва тиббий каби йўналишнинг қамраб олди ва унда 17 нафар ёш олим ўз илмий излаишлари билан иштирок этди. Форумда, шунингдек, Жанубий Корейнинг турли таълим муассасаларида тахсил олаётган мамлакатимизнинг 100 дан зиёд вакиллари бевосита ва онлайн шаклда катнашиш имкониятига эга бўлди. Тадбир доирасида Жанубий Корееда тахсил олаётган салохиятли йигит-қизларнинг Ўзбекистон Ёшлар ишлари агентлиги раҳбари Алишер Саъдуллаев билан онлайн-мулоқоти ташкил этилиб, унда ёшлар ўзларини қизиктирган барча саволларга жавоб олди. Ўзбекистонлик йигит-қизлар мамлакатимизда таълим тизими ва ёшлар билан ишлаш самарадорлигини оширишга қаратилган тақлиф ва мулоҳазалари билан ўртоқлашди. Форумда ўз тақдими билан иштирок этган ёш ватандошларимиз орасидан ҳайъат аъзолари 4 та йўналиш бўйича ғолибларни аниқлади ва уларга пул мукофоти ҳамда эсдалик совғалари топширилди. Ёш ватандошлар нафақат юртимизда, балки хорижда тахсил олаётган ҳамюртларимизга кўрсатилаётган бундай эътибордан, уларни қўллаб-қувватлаш мақсадида ўтказилаётган форум ва анжуманлардан мамнун эканини таъкидлади. Келажақда бундай тадбирларни мунтазам равишда ўтказишга келишиб олинди.

Дунё АА.
Сеул

ЎЗБЕКИСТОН — РАҚАМЛИ ФОРМАТДА

Бугунги кунда рақамли иқтисодиётнинг “электрон ҳужжат айланиши”, “электрон савдо”, “электрон банк хизматлари”, “электрон тўловлар” ва бошқа муҳим таркибий қисмлари ҳаётимизга узил-кесил кириб келди. Уларнинг кундалик ҳаётда турмушимизни нечоғли осонлаштириши, харажатларни камайтириши, муаммоларни ҳал қилишини кўпчилигимиз ўз тажрибамиздан билиб олишга улгурдик.

Ислоҳот

Адлия вазири Русланбек Давлетов Тошкент ёшлар форумида сўзга чиқиб, муҳим бир ахборот билан ўртоқлашди. Унинг айтишича, рақамли ҳужжат тизими-га ўтилгандан сўнг вазирликда қоғоздан фойдаланиш бутунлай тўхтатилибди, натижада нафақат қоғоз, балки катта миқдордаги бюджет маблағлари ҳам тежаб қилинибди.

— Адлия тизими йилига 100 тонна қоғоз харажатдан халос бўлди. Аҳолидан 34 турдаги маълумотномаларни қабул қилиш талаби бекор қилингандан кейин 46 миллиард сўм тежаб қолинди, — деди у.

Бу рақамлаштириш чора-тадбирларининг самарасини, муҳимлигини акс эттирадиган бир мисол, холос.

Дунё амалиётига кўра рақамли форматга ўтиш қоғозбозликни қисқартирибгина

қолмай, вақт, транспорт харажатлари, бошқа кўплаб ресурсларни тежаш имкониятини беради. Масалан, ҳужжатлар айланиши электрон тартибда амалга ошириладиган жойда ходимларнинг ишдан жавоб сўрашлари ҳам ҳожат қолмайди. Шу билан бирга, ишлаб чиқариш жараёнларини автоматлаштириш ҳисобида маҳсулот таннархини камайтириш ва сифатини яхшилашга эришилади, меҳнат самарадорлиги ошади, товар ва хизматларнинг юқори рақобатбардошлиги таъминланади, ишлаб чиқариш харажатлари камайтирилиб, иш ўринлари яратилади. Бундан ташқари, барча маълумотларни ягона базага тўплаш уларни ишончли сақлаш, таҳрир ва назорат қилиш имкониятини беради, масофавий хизматлар кўламини кенгайтиради.

➡ 2

Жараён

МАҚСАД — ХАЛҚИМИЗ САЛОМАТЛИГИ, ФАРОВОН ҲАЁТИНИ ТАЪМИНЛАШ

Мамлакатимизда амалга оширилаётган ислохотларнинг асосий мақсади — инсон қадри ва қимматини таъминлаш. Аини жараёнда инсон саломатлигини ҳимоя қилиш, аҳолига сифатли тиббий ёрдам кўрсатиш муҳим аҳамиятга эга.

Сўнгги йилларда бу борада салмоқли ишлар амалга оширилди. Юртбошимиз раҳнамолигида соҳага илғор замонавий технологиялар, тиббий асбоб-ускуналар олиб келинди. Бунинг натижасида чекка ҳудудларда ҳам бугунги кунда мураккаб операциялар муваффақиятли амалга оширилипти. Халқаро ҳамкорлик мустаҳкамланяпти. Айниқса, мураккаб пандемия шароитида жонқуяр тиббий ходимларининг матонати билан минглаб юртдошларимизнинг ҳаёти асраб қолинди.

➡ 3

Республика Кенгаши йиғилиши

ВЕЛОСПОРТ ТУРЛАРИНИ РИВОЖЛАНТИРИШ ВА ОММАЛАШТИРИШ — ДОЛЗАРБ ВАЗИФА

Кеча видеоконференцалоқа орқали Велоспортни ривожлантириш бўйича республика кенгаши йиғилиши бўлиб ўтди.



Унда мазкур Кенгаш аъзолари, вазирлик ва идоралар, Қорақалпоғистон Республикаси Вазирлар Кенгаши, вилоятлар ҳамда Тошкент шаҳар ҳокимликлари вакиллари қатнашди.

Олий Мажлис Сенати Раиси, Ўзбекистон велоспорт федерацияси раиси Танзила Норбоева бошчилигида бўлиб ўтган йиғилишда дастлаб Президентимизнинг шу йил 24 сентябрдаги “Велоспортни ри-

вожлантиришга доир комплекс чора-тадбирлар тўғрисида”ги қарори ижроси, аҳоли ўртасида велоспорт турлари оммавийлигини ошириш, миллий терма жамоанинг Осиё ва Парасийё ўйинлари, Осиё чемпионатлари ва бошқа йирик мусобақаларда муносиб иштирок этиши ҳамда юқори натижаларга эришишни таъминлаш масалалари атрофида кўриб чиқилди.

Қайд этилганидек, соҳада сўнгги тўрт

➡ 2

ПРЕЗИДЕНТИМИЗНИНГ ИННОВАЦИОН КЛАСТЕР ҒОЯСИНИ ДУНЁ ТАН ОЛМОҚДА


ёхуд ўзбек олимларининг Ўзбекистон кластер тизими ҳақидаги асари етти тилда чоп этилди

Хушхабар

Шу йили Германияда “Cotton-Textile Cluster — locomotive of the economic development” (“Пахта-тўқимачилик кластери — иқтисодий тараққиёт локомотиви”) китоби инглиз тилида чоп этилган эди.

Мазкур асар Ўзбекистон пахта-тўқимачилик кластерлари уюшмаси раиси, республикада хизмат кўрсатган иқтисодчи, иқтисодиёт фанлари доктори, сенатор Муртазо

Раҳматов ҳамда академик, биология фанлари доктори, профессор Бақридин Зарипов бошчилигидаги муаллифлар гуруҳининг ижод маҳсулидир. Унда мамлакатимизда сўнгги беш йилда амалга оширилаётган туб ислохотлар, қишлоқ ҳўжалигини модернизация қилиш борасидаги янгиланишлар ҳақида баътафсил ҳикоя қилинади. Китобда таъкидланганидек, Ўзбекистон Президенти



Шавкат Мирзиёевнинг бевосита ғояси асосида амалиётга кластер тизими жорий этилиб, қишлоқ ҳўжалигида маҳсулот етиштириш ва чуқур қайта ишлашнинг “занжирли усули” яратилди. Бу эса ўтган жуда қисқа вақт ичида соҳани тараққиёт сари етакловчи “драйвер”га айланди.

➡ 3

БАХШИЧИЛИК САНЪАТИ ЯНАДА САЙҚАЛ ТОПАДИ

Ўзбекистон ташқи сиёсатининг муваффақиятлари ижтимоий ҳаётнинг барча жабҳасида, жумладан, санъат соҳасида ҳам намоён бўлмоқда. Хусусан, 16 декабрь куни ЮНЕСКОнинг Ноمودдий маданий меросни асраш ҳукуматлараро қўмитаси томонидан бахшичилик санъати Инсониятнинг ноумоддий маданий мероси Репрезентатив рўйхатига киритилгани бунинг яққол тасдиғидир.

Акс садо

Ушбу муҳим ва қувончли янгилик маданий арбоблари, устоз бахшилар ҳамда иқтидорли ёшлар, фольклор санъати ихлосмандлари, кўп миллатли халқимизга, албатта, гурур ва ифтихор бағишлайди.

Мазкур тарихий воқеа муносабати билан Президентимиз Шавкат Мирзиёев халқимизга йўллаган табригида таъкидланганидек, бу юксак эътироф дунё ҳамжамиятининг Ўзбекистоннинг қадимий тарихи ва бой маданиятига, ранг-баранг ижодий мактаблар ва изчил ривожланиш силсиласига эга бўлган ноёб бахшичилик санъатига улкан ҳурмат-эътиборининг ёрқин ифодасидир.

➡ 3

МАҚСАД – ХАЛҚИМИЗ САЛОМАТЛИГИ, ФАРОВОН ҲАЁТИНИ ТАЪМИНЛАШ

Президент Администрацияси, Соғлиқни сақлаш вазирлиги ва бошқа идораларининг етакчи мутахассислардан иборат тузилган штаб таркибида Сал-марказ, тахлил, ижро ва назорат гуруҳи ҳамда Медиа-марказ фаолият олиб бормоқда.

Тадқим этилган маълумотларга кўра, очик мулоқотга йўлланган мурожаатлар сони шу кунгача 2 минг 558 тага етди. Шулардан 1 минг 367 таси тиббиёт ходимларидан, 1 минг 191 таси фуқаролардан. Мурожаатларнинг 72 фоизи ўз ечими-

ни топган бўлса, қолган қисми ижро жараёнига йўналтирилган.

Келиб тушган мурожаатлар таҳлил қилинганда 545 таси соғлиқни сақлаш тизимининг бирламчи бўйинига, 134 таси тез тиббий ёрдам хизматига, 132 таси ихтисослаштирилган марказлар фаолиятига, 82 таси илм-фан, 74 таси олий тиббий таълим, 64 таси санитария-эпидемиология хизмати, 58 таси фармацевтика, 54 таси оналик ва болаликни муҳофаза қилиш, 49 таси ижтимоий ҳимоя, 45 таси хусусий тиббиёт каби йўналишларга дахл-

дорлиги маълум бўлди. Қолаверса, малака ошириш, шошилинч тиббий ёрдам, ўрта махсус тиббий таълим, юридик хизмат, соғлом турмуш тарзи, давлат-хусусий шериклик йўналишлари бўйича ҳам кўплаб мурожаатлар қабул қилинган.

Мурожаатларнинг катта қисми Тошкент шаҳри (179 та), Қашқадарё (131 та) ҳамда Фарғона (129 та), Андижон (113) вилоятлари ҳиссасига тўғри келади. Қорақалпоғистон Республикаси, Тошкент, Бухоро, Сурхондарё, Наманган, Самарқанд, Хоразм, Навоий, ва Сирдарё вилоятларидан 688 та мурожаат келиб тушган.

Хар бир мурожаат алоҳида назоратга олиниб, унинг ижросини таъминлаш чоралари кўриляпти. Хусусан, бирламчи тиббий ёрдам хизмати, ихтисослаштирилган марказлар фаолияти ва бошқа йўналишлар бўйича 556 мурожаатдан 477 таси ўз ечимини топди. Айни пайтда ижро жараёнидаги масалаларнинг 58 фоизи бирламчи тиббий ёрдам йўналишига оиддир. Худудлар кесимида эса уларнинг 22 фоизи Наманган ва Андижон вилоятларига, қолган 78 фоизи республикамизнинг бошқа худудлари ҳисобига тўғри келмоқда.



Сирожиқдин БОҲИДОВ олган суратлар.

Белгиланган жадвал асосида марказда тиббиёт соҳаси вакиллари, соғлиқни сақлаш муассасалари раҳбар ва мутахассислари иштирокида матбуот анжумани, учрашув ва суҳбатлар ташкиллаштириляпти. Унда оммавий ахборот воситалари вакиллари марказ фаолияти билан танишиш баробарида, ўзларини қизиқтираётган саволларга бевосита мутахассислардан жавоб олиш имконига эга бўлаётир.

Барчамизга маълумки, сўнгги йилларда Президентимиз томонидан тиббиёт соҳасига жуда катта эътибор ва ғамхўрлик кўрсатиляпти, — дейди Санитария-эпидемиологик оқойишталлиги ва жамоат саломатлиги хизмати бошлиғи ўринбосари Нурмат Отабеков. — Соҳага халқаро ташкилотлар ва

молия институтларининг инвестицияларини жалб этиш бўйича муайян тадбирлар амалга оширилмоқда. Хусусан, бешта Инвестиция дастури доирасида 243,44 миллион доллар йўналтирилган. Бугунгача эса 37,85 миллион доллар ўзлаштирилди. Амалга оширилган ишлар билан бирга, аҳолининг санитария-эпидемиологик оқойишталлигини таъминлаш борасида ҳам муаммолар мавжуд. Буни марказга келиб тушаётган мурожаатлар ҳам кўрсатяпти. Шубҳасиз, уларнинг ечими фаолият самарадорлигини ошириш, пировардида аҳоли саломатлигини таъминлашга хизмат қилади.

Карим АБДУРАХИМОВ («Халқ сўзи»).

Хабарлар

ҚИШЛОҚДА ЮҚОРИ ТЕЗЛИКДА ИНТЕРНЕТ

Бухоро вилоятида 1 минг 468 та аҳоли пункти мавжуд. Шу кунгача уларнинг мингдан зиёди интернет хизмати билан қамраб олинган эди. Эндиликда улар қаторига яна 216 та аҳоли пункти қўшилди.

— “Ўзбектелеком” АҚ Бухоро филиали томонидан 92 160 порта мўлжалланган 66 та янги замонавий OLT қурилмалари ўрнатилди ва 1 минг 496 километр узунликдаги оптик тонали алоқа линияси тортилди, — дейди Ахборот технологиялари ва коммуникацияларини ривожлантириш вазирлиги Бухоро вилояти худудий бошқармаси бошлиғи Алижон Яхшиев. — Натижада 216 та аҳоли пункти интернет хизмати билан тўлиқ таъминланди, миқозларга 1 Гбит/с. тезликдаги глобал тармоққа улашиш имконияти яратилди.

Таъкидлаш керакки, замонавий алоқа хизматлари кўрсатиш қамровини кенгайтириш, сифатини яхшилаш борасида вилоятда муайян таъриба тўпланган. Чунончи, 2021 йилда 16 та янги база станцияси ўрнатилди. Мавжуд 91 база станцияси тезкор интернет технологияси асосида модернизация қилинди.

Бу каби юмушлар келгуси йилда ҳам изчил давом этади. Чунончи, 2022 йил якунига қадар ҳар бир аҳоли пунктини 10 Мбит/с дан кам бўлмаган маълумотларни узатиш тезлигидаги интернет тармоғига улаш кўзда тутилган.

Истам ИБРОҲИМОВ («Халқ сўзи»).

КОРХОНАНИНГ БИРИНЧИ БОСҚИЧИ ИШГА ТУШДИ

Наманганда куни кеча фойдаланишга топширилган истиқболли лойиҳа — “TAI CHANG SPECIAL STEEL” масъулияти чекланган жамият шаклидаги қўшма корхона металл ҳаёсунларни ишлаб чиқаришга ихтисослаштирилган.

Мазкур лойиҳани амалга ошириш учун “Наманган” эркин иқтисодий зонасида 30 гектар ер ажратилиб, Хитой Халқ Республикаси инвесторлари билан ҳамкорликда уч босқичда 50 миллион АҚШ долларига тенг сармоя йўналтириш ва 800 та иш ўрни очиб режалаштирилган эди.

Корхонанинг дастлабки босқичи иш бошлаши билан йилига 300 минг тонна жаҳон стандартларига мос ва импорт ўрнини босувчи турли металл маҳсулотлари — арматура, швеллер, катанка симлари кабиларни тайёрлаш йўлга қўйилди. Айни жараёнда 28 миллион АҚШ доллари жалб этилди ва бу билан 300 та доимий иш ўрни яратилди.

Қудратилла НАЖМИДДИНОВ («Халқ сўзи»).

ФАРМАЦЕВТИКА БИЗНЕС ЭМАС, ТИББИЁТ РАВНАҚИГА ХИЗМАТ ҚИЛИШИ КЕРАК

Ҳеч кимга сир эмас, тиббиёт ривожлангани сари касалликлар тури ҳам кўпайиб бораётир. Дард эса ҳар доим кўкқисдан, беморнинг на ҳамён ва на ижтимоий аҳоли билан ҳисоблашмай келади. Кўзига дунё тор кишининг аҳоли маълум: биргина малҳамга бор бисотини алмашишга тайёр бўлади. Бугун, яъни дунё миқёсида фармацевтика саноати тиббиётдан кўра кўпроқ бизнесга яқинлашган замонамизда коронавирус пандемияси хуружлари буни яққол кўрсатиб берди.

Пресс-тур

Тафсилотларга тўхталмаймиз, лекин дори-дармон масаласида ташқи боғлиқлик ташвишининг бир тарафи бўлса, олис худудларда истиқомат қилаётган аҳолининг ўз вақтида сифатли дори воситалари билан таъминланиши шифо самарадорлигининг қарорлиги омилидир. Айнан шу жиҳатларга қаратилган эътибор мамлакатимизда “Дори-Дармон” акциядорлик компанияси таркибидagi тузилмалар зиммасига юклатилган.

Хўш, ушбу тизимда қандай ўзгаришлар бор? Бундай саволларга “Дори-Дармон” АҚ томонидан “Навоий Дори-Дармон” АЖ таркибидagi корхоналар фаолияти ва худудда дори-дармон нархлари барқарорлигини таъминлаш йўлидаги лойиҳалар билан таништириш мақсадида оммавий ахборот воситалари вакиллари учун ташкил этилган пресс-турда жавоб олишга ҳаракат қилдик.

Тадбир аввалида “Навоий Дори-Дармон” акциядорлик компанияси таркибидagi тузилмалар зиммасига юклатилган.



Таъкидланишича, жамият таркибида бугун “Авиценна” МЧЖ, 120 та стационар ҳамда 9 та мобил дорихона мавжуд. Мазкур субъектлар фаолияти тўғрисида йил бошидан буён даволаш-профилактика муассасаларига 13 миллиард 686 миллион сўмлик, аҳолига эса 11 миллиард 447 миллион сўмлик дори воситалари ва тиббиёт буюмлари етказиб берилган.

— Шунингдек, Вазирлар Маҳкамасининг “Шахсларнинг айрим тоифаларини имтиёзли асосда дори воситалари билан таъминлаш тартибини янада такомиллаштириш чора-тадбирлари тўғрисида”ги қарори ижроси бўйича 13 тоифадаги касаллик ва шахслар рўйхати тасдиқланиб, уларга 385 миллион сўмлик дори воситалари ва тиббиёт буюмлари бепул берилди, — дейди “Навоий Дори-Дармон” АЖ бошқаруви раиси Ғулом Ориёев. — Жорий йилнинг шу кунига қадар фармацевтика маҳсулотлари сотувидан тушган соф тушум 26 миллиард 300 миллион (ўтган йили 22,3 млрд.), шундан улгурчи товар айланмаси 15,7 миллиард сўмни ташкил этмоқда.

Пресс-тур иштирокчилари “Авиценна” МЧЖда дори воситаларини ишлаб чиқариш жараёни билан танишди. 2001 йилда ўз фаолиятини бошлаган корхонада бугун 17 турдаги дори воситалари ишлаб чиқаришмоқда.

— Айни кунларда Покистоннинг “Fair

Темур ЭШБОЕВ («Халқ сўзи»).

БАХШИЧИЛИК САНЪАТИ ЯНАДА САЙҚАЛ ТОПАДИ

Халқ оғзаки ижодининг гўзал ва бетакрор намунаси — бахшичилик мамлакатимизда минг йиллар давомида ривожланиб, баланд чўққиларга кўтарилди. Ушбу санъат юртимиздаги турли миллат ва элатлар ўртасида узаро ҳурмат, бир-бирини тушуниш ва ҳамжихатлик муҳимини янада мустаҳкамлаш йўлида беминнат хизмат қилиб келди ва бугунги кунда ҳам бу шарофли вазифани тўла адо этмоқда.

Бахшичилик санъатида халқимизнинг ўтмиши, руҳияти, менталитети, қадриятлари, урф-одат ва анъаналари акс этади. Шу боис ушбу ноёб санъат мавжуд бўлган барча элларда у номоддий маданий мерос сифатида муҳофаза қилинади, юксак қадрланади. Бугунги кунда мамлакатимизда ҳам ўзбек миллий бахшичилик ва достончилик санъатининг ноёб намуналарини асраб-авайлаш, ривожлантириш, кенг тарғиб қилиш, ёш авлод қалбида ушбу санъат турига ҳурмат-эътибор тўғйуларини қўчайтиришга алоҳида эътибор қаратишмоқда.

Кейинги йилларда қабул қилинган Президент Фармон ва қарорлари соҳа ривожига янги ҳаёт бағишлаганини таъкидлаш ўринлидир. Жумладан, юртимизда ЮНЕСКО шафелигида ҳар ким йилда Халқаро бахшичилик санъати фестивалини ўтказиш яхши анъана тусига кирди. Мамлакатимизда бахши-шор ва оқинлар ўртасида юртимиз ва халқаро миқёсда турли кўрик-танловлар мунтазам ўтказиб келинмоқда. Таълим муассасаларида бахшичилик санъати силларини ўқитиш, кела-

жак авлодларга етказиш борасида ҳам катта ишлар қилинмоқда. Энг муҳими, бундай кенг қўламли чора-тадбирлар ўз самарасини бермоқда. Жумладан, ҳозирги вақтда республика бўйича бахшилар лар синфи 115 тага етиб, уларда таълим олаётган ўқувчиларнинг умумий сони 1,5 мингдан, ўқитувчилар сони эса 245 нафардан зиёдни ташкил этаётгани бу йўналишдаги ишлар қўламайдан далолат беради. Бахшичилик санъатини ривожлантириш йўлида эришилган натижалар ва уларнинг халқаро эътирофи ушбу бебаҳо меросни асраб-авайлашга хизмат қилади.

Давлатимиз раҳбарининг 2019 йил 14 майда қабул қилинган “Бахшичилик санъатини янада ривожлантириш чора-тадбирлари тўғрисида”ги қарори халқимиз ма-

тарихий меросга ҳурмат руҳида тарбиялашга қаратилгани билан муҳим аҳамият касб этмоқда.

Айниқса, ҳозирги глобаллашув даврида, “оммавий маданият”, шоу-бизнеснинг салбий таъсири тобора кучайиб бораётган бир шароитда фольклор санъатига эътибор ва қизиқиш сусайиб, кўп жойларда унутилиб, ҳимоя ва муҳофазага муҳтож бўлиб турган паллада мазкур қарорнинг қабул қилиниши бениҳоя катта воқеа бўлди. Таъкидлаш лозимки, халқимизнинг миллий ўзлигини, қадимий тарихи ва тилини, унинг ҳаёт тарзи, анъана ҳамда урф-одатларини ўзида мужассам этадиган, умумбашарий маданиятнинг ажралмас қисми сифатида тан олинган бахшичилик санъати атоқли бахши-шорларимиз, фольклоршунос олимларимизнинг фидойи меҳнати, ижодий

...Ҳозирги вақтда республика бўйича бахшилар синфи 115 тага етиб, уларда таълим олаётган ўқувчиларнинг умумий сони 1,5 мингдан, ўқитувчилар сони эса 245 нафардан зиёдни ташкил этаётгани бу йўналишдаги ишлар қўламайдан далолат беради. Бахшичилик санъатини ривожлантириш йўлида эришилган натижалар ва уларнинг халқаро эътирофи ушбу бебаҳо меросни асраб-авайлашга хизмат қилади.

даниятининг ҳаётбахш сарчашмаси бўлган бахшичилик санъатини янада равнақ топтириш, унинг миллий маданиятимиз ва санъатининг дағи ўрни ҳамда аҳамиятини юксалтириш, ёш авлодни миллий ўзлигини англаш, Ватанга садоқат,

тафаккури билан асрлардан-асрларга ўтиб келимоқда. Халқ достонлари фақат сегвигина тараннуми эмас, балки маданият, маърифат, тарбия воситаси бўлиб келган. Ёзма манбалар бўлмаган қадимги даврлар-

даёқ ажодларимиз оғзаки ижод орқали авлодларга мардлик, яхшилик, ҳалоллик, ватанпарварлик, дўстлик ибратини етказган. Шу жиҳатдан, бахшилар эзгулик элчилари бўлган ва ҳаммиса эъзозланган. Бугунги глобаллашув замонида келиб ушбу тарихий санъат эътибордан четда қолди. Катта бахшилар кексайиб, кўп жойларда бу мерос унутилаётган, чунки эътибор, қизиқиш, рағбат йўқ эди.

Президентимиз ташаббуси билан 2018 йилда Термиз шаҳрида ташкил этилган Бахшилар мактаби бахшичилик санъати анъаналарини ўрганиш ва давом эттириш, истеъдодли ёшларни кашф қилиш ҳамда тарбиялашда муҳим аҳамият касб этмоқда. Чунончи, илк марта Юртбошимиз ташаббуси билан жамоатчиликни ўзбек бахшичилигининг бетакрор намуналари билан таништириш, ёшлар орасида миллий фольклорга бўлган қизиқишнинг ошириш, қардош халқлар ўртасида дўстлик алоқаларини мустаҳкамлаш, ижодий алоқалар ва маданий ҳамкорлик доирасини халқаро қўламада кенгайтириш мақсадида Термиз шаҳрида 2019 йил 5 — 10 апрель кунлари Халқаро бахшичилик санъати фестивали ўтказилди. Бу ерда ҳар бир худуднинг ўзига хос ҳаёт тарзи, халқ унавармандчилиги ва амалий санъати, майдон томошалари, миллий урф-одат, анъана ва қадриятларини ифода қилувчи кўргазмалар ташкил этилди. Юртимизда биринчи бор ўтказилган ушбу санъат байрамида дунёнинг 74 та давлатидан 160 дан зиёд вакиллар қатнашди.

Олимларнинг таъкидлашича,



юртимизда дoston қуйлаш анъанаси қадимда уч йўналишда ривожланган. Биринчи йўналиш — Булунгур, Нарпай, Нурота, Қўрғон, Шахрисабз, Қамай, Шеробод, Жанубий Тожикистонда яшовчи ўзбек-қақай достончилик мактабларида дўмбира чертиб якка холда, бўғич овоз билан ижро этилган. Иккинчи йўналиш — Хоразмда тор, дутор, гижжак, гармон, буламон, қўшнай, доира жўрлигида баъзан якка, баъзан ҳурф холда, очик овоз билан ижро этилган. Учинчи йўналиш — Фарғона водийсида дутор жўрлигида очик овозда айtilган. “Алпомиш”, “Гурўғли”, “Кунтуғмиш”, “Рустамхон”, “Муродхон”, “Мискол пари”, “Хасанхон”, “Едгор”, “Юсуф билан Аҳмад”, “Авазхон”, “Қиронхон”, “Равшан”, “Интизор”, “Ширин билан Шакар”, “Эрвали”, “Ойсулув” каби достонларни бахшилар айтиб келган.

1999 йилда Термизда ЮНЕСКО шафелигида “Алпомиш” достонининг 1000 йиллиги халқаро миқёсда кенг нишонланган. Ўзбек халқ оғзаки ижодининг ноёб дурдонаси ҳисобланмиш ушбу достонда, гарчи муайян худуд одамлари, уларнинг тарихи, маданияти, миллий урф-одат ва анъаналари ҳақида ҳикоя қилинса-да, у умуминсоний қадриятларини ҳам ўзида ифодалаган юксак оғзаки ижод намунасилидир. “Алпомиш” достони давр ва замонлар синовидан ўтиб, қилниларга юксак руҳий мадда, маънавий озуқа бахш этиб келяпти.

Кейинги йилларда “Алпомиш” достонининг бир неча янги вариантлари китоб ҳолида чоп этилди. Кўп жилдли “Қорақалпоқ фольклори” тўпламлари, “Ўзбек халқ ижоди ёдгорликлари” мажмуаси нашр қилинмоқда. Бахшичилик санъати ЮНЕСКОнинг Инсоният номодий маданий мероси Репрезентатив руҳиятига киритилган халқ оғзаки ижодининг ушбу гўзал ва бетакрор намунаси авлоддан-авлодга ўтиб, янада сайқал топишида муҳим аҳамият касб этади.

Шавкат ШАРИПОВ, Жиззах давлат педагогика институти ректору, профессор.

ПРЕЗИДЕНТИМИЗНИНГ ИННОВАЦИОН КЛАСТЕР ҒОЯСИНИ ДУНЁ ТАН ОЛМОҚДА

ёхуд ўзбек олимларининг Ўзбекистон кластер тизими ҳақидаги асари етти тилда чоп этилди



Айниқса, кластерлар томонидан амалиётга татбиқ этилаётган янги ғоялар, инновация ва “ноу-хау”лар аграр секторни саноатлаштириш, қишлоқ меҳнатқашларининг ҳаёт даражасини юксалтиришга хизмат қилляпти.

Мамлакатимиз агросаноат жабҳасидаги бундай сифат ўзгаришлари пахта-тўқимачилик кластерлари фаолияти мисолида нафақат матн, балки тасвирлар, инфографикалар, диаграммалар ёрдамида кенг очиб берилган. Бу эса Ўзбекистоннинг кластер тизимига жаҳон ҳамжамияти қизиқишини янада оширмоқда. Мазкур китоб жаҳоннинг 80 дан ортиқ мамлакатларида сотилгани бунинг яққол тасдиғидир.

Куни кеча ушбу асарни чоп этган “LAMBERT Academic Publishing” халқаро илмий нашриётдан хушхабар келди.

Унда айтилишича, “Cotton-Textile Cluster — locomotive of the economic development” китоби немис, испан, француз, италий, португал, рус тилларига ҳам таржима қилиниб, қайта нашр этилган. Натижада мазкур иқтисодий асарни Россия, Лотин Америкаси ҳамда Европа давлатлари аҳолиси ўз она тилида ўқийа муваффақ бўлди.

— Биз учун қутлимган бу хушхабар, янги Ўзбекистон халқига ўзига хос Янги йил байрами совғаси бўлди, — дейди китоб муаллифи, профессор Муртазо Раҳматов. — Қўновларли томонидан, ушбу асар орқали дунё ҳамжамияти Президент Шавкат Мирзиёевнинг эли фаровон, халқни бой қилишдек эзгу мақсадга йўрилган кластер ғояси мазмун-моҳиятидан яқиндан баҳардор бўлишмоқда. Ўзбекистоннинг ноёб таърибаси билан танишиб,

«Халқ сўзи».

Эътибор

Тадбиркор ёш оилага
уй қуриб берди

Фарғона вилоятининг Бағдод туманидаги “Дашт” маҳалла фуқаролар йиғинида тадбиркор Улугбек Турғунбоев ҳудуддаги ёш оила учун янги уч хонали уй қурилишида бош-қош бўлди.

Бағдод тумани ҳокими Восилжон Назаров Дилшоджон Жабборов оиласи учун хайрия маблағлари эвазига қад ростлаган уйни қўздан кечириб, эзгу иш ташаббускорларини эътирф этди.

— Улугбек Турғунбоев ҳудудимиздаги энг изланувчан, ташаббускор, тиниб-тинчимас ёшларимиздан, — дейди туман ҳокими. — У тадбиркор сифатида 50 нафар йигит-қизни иш билан таъминлагани ҳам ибратликидир.

“Дашт” МФЙ 3-сектор ҳудудида жойлашган. Сектор раҳбари Жаҳонгир Ҳасанов томонидан ушбу эътиҳоманд ёш оилага ижтимоий-моддий қўмак кўрсатиб келинмоқда. Хусусан, “аёллар дафтари”га қиритилган оила бекаси Убайдахоннинг ҳам, турмуш ўртоғи Дилшоджоннинг ҳам бандлиги таъминланди.

Ботир МАДИЁРОВ
(«Халқ сўзи»).

КЕЛГУСИ ЙИЛДА ТЕЖАМКОР СУҒОРИШ ТЕХНОЛОГИЯЛАРИ
ЯНАДА КЕНГ МАЙДОНЛАРГА ЖОРИЙ ЭТИЛАДИ

Президентимизнинг 2020 йил 11 декабрдаги “Қишлоқ ҳўжалигида сувни тежайдиган технологияларни жорий этишни янада жадал ташкил этиш чора-тадбирлари тўғрисида”ги қарориди 2021 йилда бундай технологиялар жорий этиладиган ер майдонларини 5 баробарга кўпайтириш ва 430 минг гектарга етказиш белгиланди. Сув тежовчи технологияларни жорий этган қишлоқ ҳўжалиги маҳсулотлари ишлаб чиқарувчиларини давлат томонидан қўллаб-қувватлаш механизми янада кенгайтирилди. Бунинг натижасида шу йилнинг 1 декабрь ҳолатига кўра, республика-миз бўйича жами 511,4 минг гектар майдонда, жумладан, 194 минг гектар ерда томчилатиб суғориш, 11,2 минг гектарда ёмғирлатиб суғориш, 5,9 минг гектар пахта ва бошқа экин майдонларида дискрет суғориш тизими жорий қилинди. Шу билан бирга, 78,8 минг гектар майдонларда эгилувчан қувурлар орқали ва 20,9 минг гектар экин

Бугун бутун сайёрамизда сув таъминоти глобал масалалардан бўлиб турган бир пайтда юртимизда ҳам сувни асраш, ундан тежаб фойдаланиш борасида муайян ишлар қилинмоқда. Мавжуд сув ресурсларининг салмоқли қисми қишлоқ ҳўжалиги экинларини етиштиришга сарфланишини эътиборга олсак, бу неъматдан тежаб-тергаб фойдаланиш қишлоқ ҳўжалиги экинларидан мўл ва сифатли ҳосил олишда муҳим аҳамият касб этади. Шу боис кейинги йилларда мамлакатимизда қишлоқ ҳўжалиги экинларини етиштиришда тежамкор суғориш технологияларини татбиқ этишга алоҳида эътибор қаратилаётир.

Қарор ва ижро

майдонларида эгатга плёнка тўшаб суғориш тизими орқали суғориш ишлари олиб борилди ва 200,1 минг гектар майдонлар лазер ускунали текислагичлар ёрдамида текисланди.

Мазкур тадбирларни амалга оширишда Сув ҳўжалиги вазирлиги тизимида ташкил қилинган 6 минг нафар ишчи-ҳодимлардан иборат сервис-монтаж гуруҳлари қурилиш-монтаж ишларига жалб қилинганлиги, айниқса, яхши самара берди.

Вазирлар Маҳкамасининг 2021 йил 23 февралдаги тегишли қарорига мувофиқ, “Қишлоқ ҳўжалиги ишлаб чиқарувчиларининг сувни тежайдиган технологияларни жорий этиш бўйича харажатларнинг бир қисmini қоплаш ва берилган субсидияни қайтариш тартиби тўғрисида Низом”га асосан томчилатиб суғориш технологиясини жорий қилиш бўйича қурилиш-монтаж ишлари якунланган 93,7 минг гектар пахта майдонлари учун

Давлат бюджети ҳисобидан 750,7 миллиард сўм субсидия маблағлари ажратиб берилди.

Замонавий технологиялар ҳосилдорликка ва унинг сифатига ҳам таъсир кўрсатмоқда. Жорий йилда Бўхоро вилояти Қорақўл туманидаги “Мергантеск” ва “Қорақўл Қумуш Калава” пахта тўқимачилик кластерлари томонидан томчилатиб суғориш жорий этилиб, ҳар гектар майдондан ўртача 70 центнердан ҳосил олинди.

Фарғона вилояти Қўштепа туманидаги “Fergana Global textile” пахта-тўқимачилик кластери томонидан Исроилнинг “Netafim” компанияси билан ҳамкорликда тупроғи қумлоқ, сув доим танқис, пахтадан ўртача 10-12 центнер ҳосил олинганда 215 гектар майдонда томчилатиб суғориш технологиясини жорий этиш учун 520 минг долларлик замонавий ускуналар ўрнатилиши ортидан ҳар гектар ердан ўртача 45 центнердан хирмон кўтарилиди.

пастлиги, тегишли инфратузилмани янгилаш суръатларининг сустлиги технология йўқотишлар ортишига ва электр энергиясини етказиб беришда мунтазам узилишларга сабаб бўлади.

Аҳоли сонининг ошиб бориши, одамларнинг электр ускуна ва ҳижозлардан фойдаланиш кўлами йилдан-йилга кенгайиб бораётгани, айни ҳолда мамлакатимизда кичик бизнес ва тадбиркорликка кенг имкониятлар берилаётгани, қатор инвестиция дастурлари ҳисобига йирик саноат корхоналари очилаётгани — буларнинг барчаси электр энергияси истеъмоли кўн сайин ошишига сабаб бўлади. Демак, шунга мос равишда электр энергияси ишлаб чиқариш, узатиш ва тақсимлаш тармоқлари изчил ривожлантирилиши, янги объектлар қурилиб, мавжудлари янгиланиб борилиши лозим.

Шу каби мулоҳазалар билан тизимнинг йирик тузилмаларидан бири — “Ўзбекистон миллий электр тармоқлари” акциядорлик жамияти бошқаруви раиси Дадажон ИСАКУЛОВга мурожаат қилдик.

ечим топиш ҳамда электр энергиясига бўлган талабни қондириш, саноатни ривожлантириш ва тадбиркорлик субъектларининг эҳтиёжини қоплаш мақсадида жорий йилда подстанцияга қуввати 125 МВА бўлган иккинчи трансформатор ўрнатилиб, подстанциянинг иккинчи навбати ишга туширилди. Подстанцияга тушаётган юклама меъёрига келтирилиб, электр таъминоти ишончилиги оширилди.

Натижада Беруний, Тўртқўл, Эллиққалъа туманларида куз-қиш мавсумларида электр таъминотида рўй бериши мумкин бўлган аварияларнинг олди олинди. Мавжуд ишлаб чиқариш корхоналари қувватларини кенгайтириш ва янги тадбиркорлик объектларининг ташкил электр таъминотидаги улашишга, электр таъминотидаги мустақамликнинг оширилишига ҳамда кейинги 3-5 йилликда электр энергиясига бўлган талабнинг тўлиқ қопланишига эришилди (яъни талабга мувофиқ ўтказувчанлик қуввати оширилди). Худди шундай, Андижон вилоятида бу йил 103 фоиз, яъни ўта юклама билан ишлаётган 220 кВли “Хакан” подстанциясида битта 125 МВА трансформатори ўрнига 200 МВАли трансформатор ўрнатилиб, вилоятда жами 75 МВА қўшимча қувват яратилди. Бўхоро вилоятидаги “Қўйимозор” подстанциясида эса 2х30=60 трансформатори ўрнига 125 МВАли трансформатор ҳамда қўшимча яна битта 63 МВАли трансформатор ўрнатилиши туфайли вилоятда жами 128 МВА қувват яратилишига эришилди. “Қўйимозор” подстанциясидан таъминланувчи Аму-Бўхоро машина канали тизимининг ташкил электр тармоқлари мустақамлиги оширилди. Шунингдек, вилоят электр таъминоти ишончилигини ошириш мақсадида яна битта 125 МВА автотрансформатор ўрнатиляпти.

Жиззах вилоятидаги 110 кВли “ДНС-2” подстанцияси 220 кВ қулашили подстанцияга айлантирилаётган бўлса, Қашқадарь вилоятининг Шаҳрисабз туманидаги 220 кВли “Амир Темур” под-

станцияси янгидан қурилиб, фойдаланишга топширилди. Бу эса бошқа подстанциялар юкламасини меъёрига келтириш баробарида, 110 кВли “Ақкабоғ-1” ва “Ақкабоғ-2” ҳаво электр узатиш тармоқларида ўта юклама ҳосил бўлишнинг олдини олади. Ёки электр энергиясига бўлган талаб жадал ўсиб бораётган Самарқанд вилоятида ҳам жорий йилда юз фоиз юклама билан ишлаб келаётган 220 кВли “Қаттақўрғон” подстанциясида 2 та 125 МВАли трансформатори ўрнига 2 та 200 МВАли трансформатор ўрнатилди ва вилоятда жами бўлиб қўшимча 365 МВА қувват яратилди.

Модернизация ва реконструкция ишлари Самарқанд вилоятининг “Чўпонота” ҳамда “Самарқанд” подстанциясида ҳам изчил олиб боришмоқда. Мисол учун, “Чўпонота” подстанциясидаги 2 та электр узатиш тармоғи ўта юкланишининг олдини олиш ва ўрнатилган учинчи трансформаторнинг номинал қувватларда ишлашини таъминлаш мақсадида “Чўпонота” ва “Сўғдиёна” подстанцияларини боғловчи 220 кВли, узунлиги 45 км. бўлган электр узатиш ҳаво тармоғини қуриш ишлари якунланмоқда. Бу, ўз навбатида, вилоятда юкламаларнинг ортиши билан боғлиқ ва аварияли ҳолатларда юзага келиши мумкин бўлган чекловларга барҳам бериб, электр ҳўжалик объектларининг турғулиги ва истеъмолчилар талабини қондиришга хизмат қилади.

Республикамизнинг барча ҳудудини қамраб олган бундай лойиҳалар жуда кўп ва уларнинг аҳолига узлуксиз равишда электр энергияси етказиб беришдан ташқари саноат корхоналари, тадбиркорлик субъектлари фаолияти яхшиланишига ҳисса қўшаётгани эътиборга молик. “Ўзбекистон МЭТ” АЖ тасарруфидидаги подстанцияларда энергия самарадорлигини оширишга қаратилган аниқ чоралар қўрилган бўлиб, жами 55 жамламга эга 165 донга ҳаво ўчиргич элегазли ўчиргичларга алмаштирилди.

Шунингдек, подстанцияларга хизмат кўрсатишни яхшилаш ҳамда соҳа

Бундай мисолларни яна қўллаб келтириш мумкин.

Юртимизда сувни тежайдиган суғориш технологиялари ускуналари ва бўғловчи қисмларни маҳаллий шароитда ишлаб чиқариш бўйича 2019 йилгача бор-йўғи 3 та корхона фаолият олиб борган бўлса, бугунги кунда уларнинг сони 40 тага етказилди ва маҳсулот таннархини бошқа давлатдан ташқи харажатларини тежаб ҳисобига 15 — 20 фоизгача пасайтириш ёки гектари-га 5 миллион сўмга арзонлаштириш имкони яратилди.

2021 йил 26 апрелдан 11 июнга қадар Швейцария тараққиёт ва ҳамкорлик агентлиги томонидан хорижий консултантларни жалб қилган ҳолда ресурстежамкор технологияларни жорий қилиш ва субсидия ажратиш масалалари юзасидан онлайн ўқув курси ташкил қилиниб, 338 нафар сув ҳўжалиги ҳодимларининг малакаси оширилди.

Тошкент ирригация ва қишлоқ ҳўжалигини механизациялаш муҳандислари институтида “Сув тежамкор суғориш технологиялари” соҳасида магистратура мутахассислиги ҳамда “Сув ҳўжалигида инновацион технологиялар ва улардан фойдаланиш” бўйича бакалавр таълим йўналишлари ташкил этилди.

Сув ҳўжалиги вазирлиги тасарруфидидаги коллежларда “Сув тежовчи суғориш тизими-га хизмат кўрсатиш техниги” касб йўналиши ташкил этилиб, 2021/2022 ўқув йили учун қабул параметрлари доирасида сувни те-

жайдиган технологияларни жорий қилиш ва фойдаланиш бўйича мутахассислар (консултант) тайёрлаш мақсадида намунавий ўқув режа ва малака талаби ишлаб чиқилди ҳамда амалиётга татбиқ этилди.

Тошкент ирригация ва қишлоқ ҳўжалигини механизациялаш муҳандислари институти билан ҳамкорликда сув ҳўжалиги соҳасидаги 5,5 мингга раҳбар-ҳодимлар, шундан 2 минг 777 нафари сувдан фойдаланиш ва сув тежовчи суғориш технологияларини жорий қилиш, 1 минг 200 нафари ахборот-коммуникация технологиялари ва рақамли технологиялардан фойдаланиш ҳамда мингдан зиёдининг насос станциялар ва мелиорация, гидрометрия ва бошқа йўналишлар бўйича малакаси оширилди.

Ирригация ва сув муаммолари илмий-тадқиқот институти фаолияти тақомиллаштирилди ҳамда унинг Қорақалпоғистон, Бўхоро, Наманган, Самарқанд ва Сурхондарё минтақавий марказлари ташкил этилди.

Ўзбекистон Республикаси сув ҳўжалигини ривожлантиришнинг 2020 — 2030 йилларга мўлжалланган концепциясида 2030 йилгача камиди 2 миллион гектар майдонда сув тежовчи технологияларни жорий этиш мақсад қилиб қўйилган. Шундай экан, юртимизда бундай технологиялар кўлами йилдан-йилга кенгайиб бораверади.

Рустам ҚАРШИЕВ,
Ўзбекистон Республикаси
сув ҳўжалиги вазири ўринбосари.

БАРҚАРОР ЭЛЕКТР ТАЪМИНОТИ

иктисодиётимиз тараққиёти ва халқимиз турмуш шароитида намоён бўлмоқда



Сўнгги йилларда мамлакатимизда иқтисодиётнинг барча тармоғини изчил ривожлантириш, инвестициявий жозибадорлик ва ишбилармонлик фаоллигини оширишга қаратилган ислохотлар кўлами тобора кенгайиб бормоқда. Бундай чора-тадбирлар ўз самарасини берапти ҳам. Эришилаётган ютуқлар ўзимизники, чунки ҳали ечимини кутаётган муаммолар, камчиликлар ҳам етарли. Масалан, биргина электр энергетика тармоғини олайлик. Агар тизимда мавжуд имконият ва салоҳиятдан етарлича фойдаланилмаса, режалаштирилган ишлар ўз вақтида амалга ошмаслиги, бу пировардида, ривожланишнинг сусайишига олиб келиши турган гап.

Энергоресурсларни тежовчи технологияларни жорий этиш даражаси

Модернизация

— Хабарингиз бор, Президентимизнинг 2019 йил 27 мартдаги “Ўзбекистон Республикасида электр энергетика тармоғини янада ривожлантириш ва ислох қилиш стратегияси тўғрисида”ги қарорига асосан, “Ўзбекэнерго” акциядорлик жамияти негизида “Иссиқлик электр станциялари” АЖ, “Ўзбекистон миллий электр тармоқлари” АЖ ҳамда “Худудий электр тармоқлари” АЖ ташкил этилган эди, — дейди Д. Исакулов. — Жамиятимиз Ўзбекистон Республикаси магистраль электр тармоқларидан фойдаланиш ҳамда уларни жорий ва капитал таъмирлаш, саноат, урбанизация талабларига мувофиқ ривожлантириш, мамлакатимизда ишлаб чиқарилаётган ва қисман қўшни давлатлардан импорт қили-

Бугунги кунда тизимимизда 84 та юқори қучланишли подстанция ва 11 минг 400 километрдан ортиқ 220 — 500 киловольт қучланишли магистраль электр узатиш тармоқлари мавжуд.

Кейинги йилларда мамлакатимизда талабга мос тақлиф ишлари жадал тус олиб, электр энергияси истеъмолини қаноатлантириш мақсадида қўллаб лойиҳалар рўёбга чиқарилмоқда. Натижада 2012 — 2016 йилларда 680 МВА (мегавольт·ампер) янги қувватлар яратилган бўлса, 2017 — 2021 йилларда 5621 МВА қўшимча қувватлар ташкил этилди. Жумладан, Қорақалпоғистон Республикаси ҳудудидаги Беруний, Тўртқўл, Эллиққалъа туманларининг асосий қисмини электр энергияси билан таъминловчи




наётган электр энергиясини тақсимловчи электр тармоқларига етказиб бериш (транспортировка), қўшни мамлакатларнинг электр энергетика тизими билан ҳамкорлик қилиш (экспорт, импорт, транзит), шу билан бирга, соҳада қурилиш-монтаж, модернизация-реконструкция ишларини амалга ошириш билан шугулланади.

220 кВли “Беруний” подстанциясида 100 фоиз юклама билан ишлаётган битта 125 МВАли АТ-1 трансформатори бўлган, холос. Ушбу трансформаторда режали таъмир ва электр синов ишларини бажариш учун электр тармоқларида қисман чекловлар қиритилиши лозим бўлганлиги сабабли таъмирлаш ишларида муаммолар юзага келган. Бунга

мутахассисларини тайёрлаш мақсадида йил якунига қадар 24 та янги иш ўрни яратилиши кўзда тутилган.

Бундан ташқари, жамиятда рақамлаштириш ишларига ҳам алоҳида эътибор қаратилмоқда. Ўзбекистон Республикаси Президенти, Ҳукумат ва юқори ташкилотлардан келаётган топшириқлар ижросини



назорат қилиш мақсадида “lrg.gov.uz” ижро интизоми идоралараро ягона электрон тизими ташкил этилган. Келиб тушаётган ҳар бир топшириқ чуқур ўрганилиб, ижроси қатъий назоратга олинади. Қайд этганимиздек, бундан беш — ўн йил илгари истеъмолчилар — аҳоли, ижтимоий соҳа объектлари, катта-кичик ишлаб чиқариш корхоналарини куз-қиш даврида электр энергияси билан таъминлаш учун қувват етказиб бериш имконияти чекланганлиги ҳамда тизимдаги электр қуввати танқислиги оқибатида турли носозликлар кузатилаётган эди.

Шу ўринда юқорида айтилган — электр энергиясига бўлган эҳтиёж ортиб борапти, деган фикримизни асослаш, қолаверса, газета ўқувчилари, қизиқувчиларга, умуман, электр энергияси истеъмолчиларига маълумот учун бир рақамни келтириб ўтсак, мақсадга мувофиқ бўлади.

Шу маънода, соҳада амалга оширилган инвестиция дастурлари электр энергияси таъминотида кенг қўламли йўлларнинг очирилишига, мавжуд ва янги ишлаб чиқариш объектлари қувватини оширишга ҳамда аҳолининг турмуш тарзи яхшиланишига хизмат қилиб, чекловларнинг олдини олишга ҳамда мустақам, ишончли электр таъминотига эришилаётгани диққатга сазовор. Зеро, амалга оширилаётган модернизация ва реконструкция, қурилиш-монтаж ишлари мамлакатимиздаги иқтисодиёт тармоқлари, ижтимоий соҳа ва бизнес субъектлари ҳамда аҳолининг электр энергиясига ортиб бораётган талабини тўлиқ қондириш мақсадида бажарилмоқда.

«Халқ сўзи» муҳбири
Дилшод УЛУҒМУРОДОВ
ёзиб олди.

Халқ сўзи
Народное слово

МУАССИСЛАР:
Ўзбекистон Республикаси
Олий Мажлиси Қонунчилик палатаси Кенгаши,
Ўзбекистон Республикаси
Олий Мажлиси Сенати Кенгаши

Бош муҳаррир **Ўткир РАҲМАТОВ**

2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 1248. 28 151 нусxada босилди, ҳажми — 2 табоқ. Офсет усулида босилган. Қоғоз бичими А—2. Баҳоcи келишилган нархда.

Газетамиз ҳақидаги маълумотларни юқула олиш учун QR-коднинг телефонингиз орқали сканер қилинг.

ТЕЛЕФОНЛАР:
Девонхона 71-233-52-55;
Котибият 71-233-10-28; Эълонлар 71-232-11-15.

Тахририятга келган қўёзмалар тақриз қилинмайди ва муаллифга қайтарилмайди.

Газетанинг етказиб берилиши учун обунани расмийлаштирган ташкилот жавобгар.

Газета тахририят компьютер марказида термиди ҳамда оператор М. Бегмуратов томонидан саҳифаланди.

Газетанинг полиграфик жиҳатдан сифатли чоп этилишига “Шарқ” наشريёт-матбаа акциядорлик компанияси масъул. Босмахона телефони: 71-233-11-07.

• **МАНЗИЛИМИЗ:**
100000,
Тошкент шаҳри,
Матбуотчилик кўчаси, 32-уй.

Навбатчи муҳаррир — Д. Улуғмуродов.
Мусаҳҳиф — Ш. Машраббоев.

“Шарқ” наشريёт-матбаа акциядорлик компанияси босмахонаси. Корхона манзили:
Буюк Турон кўчаси, 41. ЎЗА якуни — 22.30 Топширилди — 23.35 1 2 3 4 5 6